

昔所布下二玄三元四始甲子諸官君將吏兵二十四治官將吏兵等言功舉遷今依科禁不敢不聚會謹於所在某處鄉甲觀中條列所領戶化民百姓男女求恩乞願並佩正一盟威等錄二十四階七十五童子并及散民等願請無上玄老太上三尊將軍吏兵守宅三將軍兵士三十萬人保護某家口男女使三災九厄並乞隨章蕩散并身中內外種親及所佩法錄等前七後化男女之鬼並乞遷達免離諸苦上昇天堂斷絕復連宿疾除差日就安穩蒙恩如願以為效信恩惟太上分別云云依常品拜上今年某月日三會吉慶言功云云載拜以聞

赤松子章曆卷之四

赤松子章曆卷之五

為天地神祇言功章

具法位

上言謹按文書某州縣鄉恩觀道士某等素以胎生叨賜

天官治錄內外重香過泰之恩以下愚六

情奔蕩不自覺知歲月滋深積罪無數難可

安全仰賴身中所受神仙寶錄所見營護受

恩隆重伏地拜章一通上聞特從

太上無極大道諸君丈人天師君夫人造化

之恩赦臣等宿世今生千罪萬過及臣前後

為百姓男女消災救疾告急章奏建立齋直

施行功德口啓願諸所求乞上請

天官役使吏兵及天地水三官前後水陸行

諸道逕州縣鄉亭里域諸官君正炁助道興

化者從正月十月已來天官吏兵有功勞者

悉乞為言功遷加爵秩從一等至百等從百

等至千等如

天曹科品錄署便曹穩職無令失意有恨者

天官地官水官受功事訖各還本位并從正

月至十二月所請君將吏兵今為言功月一

日至三十日所請君將吏兵今為言功日子

時至亥時所請君將吏兵今為言功盡為舉

遷依

天曹科品皆無令恚恨符契吏兵及時伏臣

等身中保守如故伏願

太上無極大道諸君丈人天師君夫人降下

正一生悉覆蓋臣某身生氣真全宿疾除愈

四體輕強三尸墮落九蟲沈零學道棲神心

開意悟曉知未來長生久視神仙度世得見

太平願臣生緣家口大小等身並乞災厄過

度年命延永五瘟疫毒不敢侵斥至來年某

月某日安穩如願當為眾官拜奏言功不負

效信恩惟

太上分別求哀臣愚劣謹因二官直使正一

功曹左右官使者陰陽神決吏科車赤符吏

剛風騎置驛馬上章吏官各二人出操臣某

因三會吉慶為天地神祇及臣等身中吏兵

為前後百姓同詣救治疾厄求乞恩福臣等

拜上都言功口章一通上詣

三天曹伏須告報臣其誠惶誠恐稽首頓首再拜以

空三行

臣其屬其宮焚修

空三行

奏請其屬其宮焚修

空三行

年號其屬其宮焚修

空三行

可漏用全紙一

奏請其屬其宮焚修

內方函

奏請其屬其宮焚修

方函

奏請其屬其宮焚修

三五言功章

具法位

上言謹按文書臣等芻草之類生於濁俗仰藉宿慶遭逢大化歸依

大道過蒙天地覆載丹靈所育皇乾所養星

辰所衛日月所照四時所長皇老好生賜

氣命逮及今日仰稟太陽得廁人道其不以

愚昧貪樂道法歸命至真賜授法戒內外符

籙三五治職及三洞金書玉章佩受已來積

年經載香燈供養但道重人輕非凡穢所可

叨佩宿夜憂惶不以寧處臣等受法之日要

當自竭愚短朝禮讀誦宣揚道德濟度一切

及以自身修靜念真日月之精注心玄虛修

行之悉陰陽九轉三五成丹飛騰虛空白日

昇天非法不精非道不真恐臣等前世今身

所犯莫大之罪乞身中功曹吏兵眾官營衛

等及生緣家口壽命上請祐衛將軍一人

官將百二十人為臣費良方妙藥甘靈芝英

金液玉漿充哺養赤子保國安神皆令無他

願臣等學道昇仙長生度世出入行往眾官

吏兵乞垂衛護不負效信恩惟

太上分別云云今年月三會都言功舉遺口

啓章一通上詣

三天曹云云

三天曹云云

除泰山死籍章

具法位

上言謹按文書臣其年若干屬州縣鄉里住

臣素以胎生宿緣幸會得屬

上帝十二司命君伏按科法三會吉日落泰

山死籍削去有契上請倉生君八極五炁監

年命令臣等及生緣大小壽三萬六千歲記

名玉曆彌綸天地即自荷恩三月一時為天

官君吏言功舉遷名加爵秩以報勞苦不負

效信唯臣及生緣家口內外男女上下尊卑

等身年命延長永為種民臣千罪萬過乞丐

原赦恩惟

太上分別云云飛龍騎吏左右龍虎君各十

八人出楮臣以今歲月日拜上絕除泰山死

籍口啓章一通上詣

太上某宮曹治

為先亡言功章

具法位

上言謹按文書臣其年若干屬州縣鄉里某

處住臣素以胎生血誕之餘千載運會得遇

三天曹云云

太上開化之際盟威正教驅除穢逆但且其稟杰暗鈍六情閉塞百行多違未有微功上答

大造蓋聞道法三會吉日

太上老君恩流八極澤潤無外生死蒙恩是

以人清鬼平生死蒙泰臣今章奏告下天地

水三官土府九江水帝河伯將從祿吏特乞

一切之恩原赦臣等七祖父母前亡後化一

切宿罪重過特垂放遺賜與沐浴上升玄都

長生宮中神登紫闕衣食自然且等圍觀得

受餘慶福祚無窮注上生名玉曆青篇之中

存亡咸泰永為種民光顯王道清真之信恩

惟太上分別云云陰陽神訣吏左右龍虎君各

十八人出操臣等吉日謹拜遷達先亡解除

基考諱罰口章一通上詣

太上某官曹治

三月一時言功章

具法位

上言謹按

玄科今據某素以胎生凡質穢濁得逢

太上道杰開化恩流八極施布道法養育羣

生臣以有幸得歸法門天師矜愍賜臣治職

臣以肌腥賤質耳目閉塞無輔助之效夙夜

憂惶不自寧安謹按文書天師節度一年三

會吉慶十月五日都言功謹條臣所領錄上

辭旨散民育物男女良賤命籍戶口年紀顯

達人名右列如牒臣從今年七月七日已來

承上

三天無極大道諸君夫人天師法教訓喻百

姓醫治百姓助國扶命即使肉人等改惡為

善捨逆為順去故就新廢偽成真且身中吏

兵功曹使者陰陽神訣吏關啓千二百官君

上請天官將吏兵榮感太白中陣兵魁魁杰

吏上清玄君五炁經君朱雀君日月天醫和

賢太始剛武敢健吏百蟲君神男神女玄男

玄女玉男玉女素男素女仙男仙女詭吏化

君醫治疾病公私口舌行來道路移徙嫁娶

葬埋作舍求乞保護且及民所居鄉里監察

考君君吏道上二玄三元四始諸官君四野

五野七野平都君田蠶六畜倍加衛護天師

所布下二十四治三十六靖廬九州八極治

化君將吏兵士五方驅除君將吏東九夷南

八蠻西六戎北五狄中央三秦黃書契今十

二月命君等男官女官二十四官男職女職

二十四職及男女戶口所受錄上吏兵請守

宅三將軍二十四吏兵士三十萬人等三曹

五祖五將五神保護肉人等家皆得端正勞

君苦吏願一切悉為言功舉遷且以關塞不

明鬼炁謹請漢南昌郡集君還功君將吏一

百二十人主分別諸將吏有功勞者分別皆

當遷達考召調正鬼炁十等上至百等從十

等上至萬等遷入中宮隨功多少各還本所

功曹顯達受功者與便曹穩職無令失意或

有志恨者至來年正月五日依法舉遷且及

所願道民口數端正以為效信千罪萬過乞

垂原赦恩惟

太上云云操臣為依常品拜上十月五日三

會大慶言功口啓章一通云云

三會言功章

某州某縣道士某年若干某月生稽首謹上
啓

太上老君天師嗣師系師三師君夫人門下
典者但某千生慶幸值遇玄風忝竊道門身
披冠褐蒙師尊而開度賜法錄以臣身忝正
一之初階遷上清之極境伏以人羸法細違
犯巨多晨夕垂於焚修晦朔關於朝禮三元
三會或失焚修八節庚申皆違醮閱身或穢
觸衝突靈官口是心非違科越禁或思存散
亂妄想俱生或喜怒無時酒食失度如上之
罪無量無邊日往月來無由洗滌今因某歲
三會吉辰拜奏大法言功章一通三五雜錄
言功章一通資次伏願
太上三尊天師衆聖開大宥之澤敷罔極之
恩賜洗前愆蠲除往過然乞臣所佩正一洞
淵等錄至于上清上仙上靈二官吏兵仙童
玉女文武官屬悉為言功報勞益秩遷階咸
受功賞受功事竟各歸身中安慰官府守
護身乞災厄蕩消衰危殄滅口舌不起怨
仇叶和章醮符水願有效徵門徒興盛住持

清素出入休安得允所祈仰荷
玄造請給護狀

鄧都章

具法位

上言謹按文書某州某縣某即日稽首謹叩頭

乞恩拜章拔贖亡人伏聞

太上有濟度亡人之法謹投

大道未知亡人新逝已來魂魄託生何道恐

在世之日身處凡夫餐啖衆生烹炮物命無

非是罪今請奏鄧都拔罪章一通謹費法信

以為證質某奏章伏願

太上無極大道天師君慈父聖母上官主者

特垂大慈之澤原赦亡人前身已來三業六

情或積行所犯莫大之罪或犯一百八十條

科輪迴萬劫冥冥長夜未測亡人魂魄作何

驅役隸屬何官或恐在上中下二十四獄三

河九江風刀之罪幽繫三塗請為解釋今

為申奏章表乞賜亡人某魂昇三天魂離閻

府永除苦惱逍遙福庭衣食自然天堂受樂

次乞某家口大小永保康寧所願從心常保

元吉以為效信恩惟
太上云云

生死解殮洗蕩宅舍章

具法位

上言謹按文書某州某縣將領家口大小若

千人即日稽首歸命

太上今緣住宅生產死亡恐有殮穢宅中十

二時辰行年本命害氣相侵今詣某求乞章

奏洗院宅庭殮穢消蕩內外光明神龍備衛

防保人口唯專一心上憑

大道乞求章文解除殮穢洗蕩宅舍安穩無

虞具如所陳以凡愚不明氣候輒承辭旨

伏地拜章一通上聞

天曹謹為上請東方青帝解殮君南方赤帝

解殮君西方白帝解殮君北方黑帝解殮君

中央黃帝解殮君官將百二十人下為洗院

肉人解除殮穢玉女使者官將百二十人各

費真精之水五和之香蕩灑某家井竈等大

殮入海小殮入江千殮萬穢應時消滅上請

仙花玉女一千二百人與東方青龍主水使

者南方赤龍主水使者西方白龍主水使者
北方黑龍主水使者中央黃龍主水使者各
實真精之水洗滌弟子其家住宅神靈內外
清淨并請勅河伯呂公子管校尉督一切水
官將吏更相傳送除解其家內外神具皆令
清淨利穡人口大小若千人乞無災障宅舍
安寧向去前途五瘟不染行年四出常保無
虞以為效信息惟

太上云云

大醮宅章

具法位

上言謹按文書某州某縣某即日乞恩同心
稽首口辭自列信向無功招延不善即日起
造宅宇已來未曾醮謝恐動土興工驚動宅
上諸神并及家口行年本命蠶室奏書博士
不敢自尊今謹請鎮宅十二禁忌紙章一通
防保宅上人口平安具如所列唯專一心上
憑
大道向^五求乞章奏願為降赴證明法教奉
用鎮信以表五方靈官上請天官為其住宅

之中四面內外十二時辰二十四禁忌太歲
大將軍青龍白虎朱雀玄武宅中伏龍日出
日八人口行年本命一切神靈從立宅已來
未曾章醮今選吉辰良日謹於中庭安鎮法
座鋪陳質信以表宅上十二時辰分解禁忌
謹為伏地拜章一通上聞

天曹伏願上官典者特垂省理如蒙恩照謹
為上請據吏君五人治宅官五人制地君五
人官將百二十人將軍十萬人一合來下將
軍二十四吏兵三十萬人及宅中備位神明
及所部里域真官共部押宅中四面八方內
外十二時辰二十四禁忌土公太歲大將軍
太陰夫人青龍白虎朱雀玄武伏龍勾絞歲
月大小二耗三公九卿將軍發盜本命子丑
寅卯辰巳午未申酉戌亥宅中內外一切眾
神即日即時應章上達收斂十二時辰鎮於
本位收捕宅上東西南北並請安穩無令觸
犯暨屋事訖言功報勞以為其家清淨一切
眾神鎮宅之內宮室之裏錢財集聚羅綺盈
堂一依符教收却四面災禍永不侵擾元元

一心以為效信息惟
太上云云

開通道路章

具法位

上言謹按文書某州某縣某閭門長切同心稽
首叩頭乞恩辭但其塚宅衰凶神鬼侵逼禍
下自招上延亡人年若干歲某月日時染疾
困重無藥能療因此亡逝謹依俗禮棺殮在
堂終始永畢未測亡人新逝已來魂魄不知
託生何道恐在世之日殺害眾生傷損物命
繫閉三途未蒙解脫罔知作何功德拔贖幽
關伏聞

太上大道有解救之科濟度亡魂之法謹費
法信獻五方靈官薦拔亡人魂魄開通道路
無有窒礙以今元元一心請求騰奏但以凡
流不明氣候垂恩請省謹為上請素車白馬
大將軍一人太玄君一人各官將百二十人
又請直符告下天地水三官女青詔書土下
二千石丘丞墓伯十二塚侯泰山二十四獄
皇天九平獄天一北獄東嶽泰山南嶽衡山

西嶽華山北嶽恒山中嶽嵩高山地獄北都
寒池地獄牢檻諸獄九江水帝河伯河侯將
佐掾吏一切放遣亡人伏願生前罪累並乞
消除殺後愆尤隨章蕩沐浴清淨道遠福
堂遷爽淨官參經洞府然乞弟子闔門長幼
家口平安以為效信恩惟

太上云云

拔河章

具法位

上言謹按文書某州縣鄉里某年若干某月
日生即日口辭自列胎素肉人枯骨子孫千
載有幸得奉

大道從來蒙恩欣拊固極但由肉人信向多
違招延不利多有厄難夢想不真所見不善
推尋算術云有河神之厄恐有衰疾慮致傾
危今憑

大道告訴向 臣求乞章奏開度衰年厄月免
離三河之厄 臣輒憑口辭為伏地拜音一通
伏願三河四海九江水帝諸神君等詔釋某
衰年厄月水府之中但名係之處願為開度

無令繫閉諸獄又請東方青帝河伯水官南
方赤帝河伯水官西方白帝河伯水官北方
黑帝河伯水官中央黃帝河伯水官各百二
十人來下主為某解拔三河之厄伏願
天地水三官女青詔書拔度刑厄永保無他
以為效信恩惟

太上云云

保蠶章

具法位

上言謹按文書某即日乞恩口辭自列今為
累年養蠶不收恐有犯捕以今月吉日良時
於宅內上請東方青帝蠶室南方赤帝蠶室
西方白帝蠶室北方黑帝蠶室中央黃帝蠶
室蠶家先祖蠶家公姥蠶家子孫天上蠶室
地下蠶室三十六蠶室照察某日夜悲愁罔

知救護唯以一心上憑
大道謹實心信向 臣求乞章奏上請五方代
公代姥代家先祖代家父母代家子孫左右
四方力士上請神君下鎮養蠶之姥養蠶新
婦黑蠶如龍白蠶如虎行聲如風食聲如雨

婦黑蠶如龍白蠶如虎行聲如風食聲如雨

雷聲震動不為禁忌但是殄穢並令消滅謹
實法信並在案前奉請五方養蠶之女又請
五方養蠶之姑又請蠶父比陽之君蠶母比
君之女為某宅內今年織蠶如願播植長滋
斥流蠱疫蟲鼠虛耗一切消滅伏願收繭萬
石得絲千斤知道為真知章為神謹為某伏
地拜章一通上聞

三天曹伏願

接算章

具法位

大道君更上官典者特垂省察如蒙哀祐唯
專一心以為效信恩惟
太上云云

大道從來蒙恩誠深罔極但以凡夫不知璇
璣斗建土宿臨刑恐年命厄會不輕元辰衝
破天羅地網算盡將來九醜備察日夜憂惶
貞吉難保泉壤是虞唯專一心歸憑

大道謹備法信之具表獻五方靈官即日告

日求乞章奏上詣

天曹拔贖身命且雖不明氣候輒承所請謹為伏地拜章一通上聞

天曹伏願

太上老君諸君丈人三師夫人門下典者一

切監司陰陽諸曹二吏施大慈之澤布罔極之恩願為上請壽算君五人保命君五人消災君五人散禍君五人扶衰度厄君五人解羅脫網君五人官將各百二十人一合來下為某拔贖二十四獄天曹地府古廟靈壇社稷將吏司命曹局尋檢某身有諸罪目死名在黑簿之中者乞為改易有厄脫除有病為愈已枯更禁已死更生衰中得度厄中得過月厄年災並為散釋某年命不長壽算短促伏願

大道弘慈立更生之道且等騰其跪信上詣

三天曹請拔贖某身命延年益壽削死上生今呈章奏之後家口大小災厄過度永保康平宅舍清淨塚宅潛寧九祖已來逍遙自在元元一心以為效信恩惟

太上分別云云拜上樓星益算延年章一通上詣

太上某官曹治

大塚訟章

具法位

上言今有某州縣鄉里某投辭列款稱門柩災衰家累疾病所作不利所居不安求乞章奏解除塚訟今據其事狀粗可根尋必恐其七祖九玄周親近屬生存之日過犯既多亡歿已來被諸考謫子孫未與拔贖冥漠得以怨嗟或葬在水源之訟或殯當神廟之訟或墳塋穿穴之訟或棺槨損傷之訟或舊塚相重之訟或新塚相犯之訟年月浸遠胤嗣不知或水溺火燒之訟或蟲傷藥毒之訟或刀兵牢獄之訟或瘟疫癰疽之訟或伯叔兄弟或姑姪姊妹遞相連染以作禍殃有一於斯罔不誅責某官案罪因所甘心而玄律垂恩亦容追過且輒依千二百官儀并正一真人三天法師所授南嶽紫虛元君治病滅惡之法謹上請天昌君黃衣兵十萬人收某家

中百二十殃怪中外強殄十二刑殺之鬼皆令消滅又請無上高倉君兵一萬人為某家收治五墓之鬼傷亡往來住著子孫作殃怪禍害疾病某身致令死傷不絕者皆令消滅又請運氣解厄君兵士一萬人為某解除家中逆注某身中刑厄十二刑殺百二十殃考皆令銷散注滯使制鬼滅禍遏却六天之氣又請益天大將軍大兵士一萬人萬福君五人官將百二十人石安君官將百二十人朔平君官將百二十人治玄始宮並為某辟斥故氣收捕天下飲食橫行鬼賊作諸精祟妨害某及家中大小者皆令收絕應時剪撲即使摧滅却死來生滅禍致福又請石仙君一人官將百二十人為某家却滅強殄之鬼厭絕精祟不得為害又請四相君五人官將百二十人為某銷散家中有考訟鬼祟諸不正之氣侵擾宅舍致不安穩者皆即收剪解釋訟考分別清濁又請赤天食氣君官將百二十人為某馳斥親屬遠近及有異姓之訟速諸凶惡怨訴共相侵擾不肯散退所為崇害

者悉皆制絕銷滅又請收神上明君官將百二十人為某身解除惡夢錯亂魂魄不守精神離越者今得安善使夙注銷歇又請太玄君官將百二十人治無渠官主某家有凶注之氣令人精神爽越疾病顛倒驚邪恍惚不自知覺者使銷滅賊害永無殃患又請制地君五人官將百二十人下治其冥泉官為某身并家中大小分解行年本命太歲土王墓辰建破諸所觸犯為高下卑幼之鬼為業害者皆令消滅又請無上天生君兵士一萬人無上方相君兵士一萬人並為某收家門先後死亡有相注逮者令消滅之又請厄鄉候君官將百二十人治太清官章釋君官將百二十人治太清官又請祐護將軍吏兵費太玄真符攝下女青詔書地下二千石泰山二十四獄為某收捕分解塚墓殃速之鬼告下地中官長丘丞墓伯蒼林君武夷君左右塚侯地中司激墓卿右秩蒿里父老諸地域所典垂令斷絕考害復注之氣一切消滅若某家祖曾已來先亡後死男女大小凡葬埋所在

有犯十二月建破王耗八將六對傷絕禁忌音向不正哺次不得左前後伏尸故傷妨害男女位座諸為刑禍致不安穩子孫疾病者悉為解釋和合隨源補復反凶為吉轉禍為福生死幽明不相關涉請都星君官將百二十人治華蓋宮誅殃君官將百二十人治倉明宮太白中陣明君官將百二十人並為某家七祖已來先亡後化男女大小解星官復連收十二時刑禍違留逆殺皆使除滅死亡斷絕復注若下官故氣假託形影導從鬼兵驅逼先亡傷注之鬼去來家門迫脅生人拘錄魂魄致為疾病者一依鬼律收治皆令消滅又請無上天玄君兵士一萬二千人為某收治遠近貴賤尊卑男女凡諸有謀口舌誹謗呪詛之氣皆令伏匿不得為害又請赤砂君官將百二十人治南昌宮為某家收五疊六魁百二十凶災及虛耗之鬼常為某所居宅舍致費損不利者皆令消滅凡上請二十四君官將吏兵即日一合來下各隨本職為某解散考謫消除殃崇和釋諸所斷絕注

氣先亡後死及種族親戚有橫暴枉濫流亡客葬無後之鬼預是前八十一訟之事件百萬種種之考注並各寢息不得動作一皆消蕩若猶有欲興造怨望覘伺間隙因垂衰便搆扇禍害者盡皆收檢剪撲速令滅絕不得與某有相關涉存亡異境禍福各對當令某身并家口從今以去神氣流布天靈輔衛五藏調理六腑宣通真精內充百病消歇行業成就功德日新吉祥咸降祛邪散滅公私昌熾存亡荷賴所請天官君將吏兵文武職司並立勤績驅除鬼害收剪有功請即為言功遷賞加秩進爵差次高下如天曹常科無使恚恨某所貴交腕紫紋四十尺命米一石二斗錢一千二百文者體淨衣一副狀紙一百二十張墨兩錠筆兩管朱一兩書刀一口淨席一領淨巾一條即以酬官君將吏勤勞之效思惟

太上云云且謹為某身居疾病解先亡後死者考氣注速拜上大塚訟章一通上詣云云

又大塚訟章

起自茅山七真許長史云欲上昇為上三世被冤家殃訟有西靈夫人告今求道官拜塚塚訟章以解洗冤債其章具有儀注若明日拜章今夜具備浴室五所如人之沐浴具備如力及先製小衣服三對兼具銀錢獻上先亡以充洗浣明日奏啓訖即燒章隨章燒衣服及錢財亦須嚴潔具備之又云夫人家事破落名宦不泰死厄疾病痛苦連年生業不興子孫凌替皆云上世考訟亡靈不安殃及生人子孫致之如然能三年內頻拜奏此章當有大益章詞臨時有意改移當從簡正不可煩續具法位

上言謹有某官某年若干歲某月日生貫某州縣鄉里某為戶頭即日叩頭稽首自列詞狀素以胎誕千生慶幸得奉

大道荷恩資育得見今日伏以某身或有過所或謀官宜或疾厄謝過物思任於此入語莫不因其修習乖違所行逆理建功補過積善不及上累先亡之禍下責生人之故致令某已怪夢非吉所向

多違修念有闕厄患臻集慮不全生莫悟考然實懼上世已來先亡後死墓謫不解塚訟相連告訴且求乞解釋其伏按人生稟陰陽之正氣受形氣於父母血胤連屬逮乎七世傍貫伯叔至于兄弟莫不善惡同源榮枯相繼陽官賞罰亦止此條幽府所施豈宜廣引服屬既踈為患自息且各有承嗣不相濫混且以亡人魂爽動以物接記籍所明為例甚眾但肉眼障滯不能照覩巫覡所見亦未窮察當是形聲既分故音影莫會至於光像猶若于生然情念異同不必遵舊所以多致尤恨亟為禍責今若不濟彼苦津離此怨路則終成深害咎崇方臻是以經教懇切每念遷拔為本訓誘款曲必使解脫為先而當年在世莫不罪多福少罪事既多則久嬰苦切福業既少故理無所有是乃纏綿累業殃注不已今慮某家先亡後死眷屬名狀冥府自然未皆放縱或有拘執責罰便生訟引且七世久遠後胤莫測其中善惡不可詳省今者既無的知其事謹備願眾目具以陳言恐其

家七祖已來過去既往今於三官九府之中或有溺死之訟燒死之訟傷死之訟絞死之訟囚死之訟填詐死之訟墮墜死之訟踉蹌死之訟打撲死之訟毒藥死之訟毒蟲死之訟產乳死之訟飢餓死之訟寒凍死之訟熱渴死之訟魔忤死之訟瘟疫死之訟中惡死之訟霍亂死之訟癰疽死之訟腫注死之訟癩疥死之訟千疹百病以致於死皆各與訟又有老死之訟少死之訟孤死之訟獨死之訟鰥死之訟寡死之訟客死之訟寄死之訟標死之訟暴露死之訟無棺槨死之訟有棺無柩之訟棺槨穿敗之訟尸體不理之訟骸骨不全之訟鳥獸殘喙之訟火燒骨之訟水漬骨之訟車馬踐轆之訟掘鑿汗泥之訟已葬之訟未葬之訟葬非本墓之訟葬犯禁忌之訟葬不安穩之訟葬高下東西南北之訟相曾父母妻妾姊妹中外兒孫兄弟姊妹伯叔姑姪更互相訟育子不養之訟有兒不舉殺為奴婢之訟同姓之訟異姓之訟無宅之訟訟無後之訟憤慨之訟責怒之訟悲傷之訟

奄忽之訟又生時與人有寵愛之訟有讎怨之訟有爭訴之訟有殺活之訟有枉濫之訟及死後受誦對之訟有慚負之訟有違約之訟有呪詛之訟受考罰之訟受徒繫之訟受誦役之訟受二十四獄罪報之訟受惡因緣牽引之訟次求恩赦之訟求還家之訟求人代之訟求迴道之訟如此等訟訴之事各有條領若溺死之訟訴其沉淪水府衣形沾濕燒死之訟訴其髮膚焦灼皮肉剝爛傷死之訟訴其身形殘毀流連瘡血絞死之訟訴其繩約緊急氣息壅閉獄死之訟訴其鎖械拳擊不得解脫囚死之訟訴其困圖幽嚴道理不暢徒配繫死之訟訴其緒鉗在身誦役苦劇填逆之訟訴其肢體屈壓不得伸展兵死之訟訴其身首異處墮墜死之訟訴其筋骨摧碎踉蹌死之訟訴其體脉結癆打撲死之訟訴其頭破臂折毒藥死之訟訴其腸胃潰斷虎狼死之訟訴其肌骨噉食毒蟲死之訟訴其皮肉腫爛產乳死之訟訴其腹裂腥臊餓死之訟訴其胃府空竭寒凍死之訟訴其

戰凍冰禁熱渴死之訟訴其吸嚇喘乏魔忤死之訟訴其精魂怖悸鬼所制伏瘟疫之訟訴其寒熱顛倒經絞醜毒中惡死之訟訴其卒暴痛急不得申開霍亂死之訟訴其飲食過度氣脉翻錯癱疽之訟訴其皮膚膿血藏腑傷潰腫注痲疥中風上氣千疹萬病之訟各訴其沈滯困劇老死之訟訴其筋骨疲頓少死之訟訴其年志未成孤死之訟訴其幼無父母獨死之訟訴其老無兒息鰥死之訟訴無妻妾寡死之訟訴無夫對客死之訟訴其非舊鄉寄死之訟訴其非本宅標死之訟訴其無衣衾露死之訟訴其無覆蓋無棺之訟訴體親土壤無槨之訟訴朽腐開顯棺槨穿敗之訟訴漏不蔽尸體不理之訟訴其求瘞掩骸骨不全之訟訴求聚合鳥獸殘啄之訟訴失肌膚燒骨之訟訴求補復潰骨之訟訴求高燥車馬踐轢之訟訴求移改鑿掘穢污之訟訴求遷濯已葬之訟訴求修理未葬之訟訴求墳塚葬非本墓之訟訴非土域犯禁忌之訟訴干觸神位不安穩之訟訴地氣

衝激高下四方之訟各訴其處更須轉動六親九族之訟各訴其生人違背恩紀育子不養之訟訴天性忍害不得生成同姓之訟訴無情禮異姓之訟訴相輕濫無宅之訟訴非所歸無後之訟訴絕祭祀憤慨之訟訴志氣不逞責怒之訟訴人侵割悲傷之訟訴多厄枉奄忽之訟訴不獲辭又生時所與人仇讎事各有訟訴並是怨結莫申追想引逮其亡後所興諸訟皆由不能自忍求對生人大畧雖合八十一訟其中枝葉分散變成百千萬種又有生為愆罪死受責罰湯火灼風刀電解負石墜山漕江墮海如此之目復百千萬條悉皆訟引子孫更相攝對又有陰伏匿怨內疽隱恨發念出言起訟顯或值時世不理患難迫身不勝哀憂心悲口毒劇言怨語呼天喚地辱詈光景穢罵神祇事徹曉冥皆成訟考又立行醜逆搆業無良犯諸科律禁誠悉入考目百年五十年三十年二十年十年一月一日一時積考相加眾考集併命沒已後餘考不息纏綿累積世世不窮

不知其家七世已來先亡後死於此諸條並何犯坐或復捨命之日不自甘分怨天怨地呼引鬼神亦致遺殃相連終不解釋或有臨民理務枉刻無辜殺人取財囚人受貨因公行私狠戾暴虐或妻妾閨閣照察不明信用偏邪寵縱讒賊持上逼下怨酷叢生祝禱鬼巫厭近年命使取魂魄殺以償怨因是相訟亦無窮極又恐其家七世已來復有陰罪陰過陽罪陽過死罪死過妻沈疊內外怨穢無德無恩不仁不孝欺妄狡詐違常悖理塞源按本指是作非天地所弗容人倫所共棄。波命三官皆嬰對罰罪相及世結固督切考課終無止息魂爽艱急日就難忍不堪荼毒辭訴鬼官求引生人代其刺苦幽司雖明亦有曲佞或能聽理鬼言移檄召對致其家累年疾厄頻歲災衰尤怪夢寤錢財耗滅無可覆厭告乞玄師日某復覽誥傳雅應分解塚訟墓注為急直旨研明竊思承奉願遵幽密護物為功驅馳謹按未敢懈怠但聖匠遼遠軌跡遷訛迷非罔悞靡知定本輒極心究校

詳盡愚誠參順經科備仲度奉依法謹費布素一百二十尺五方繒紋白素各八十尺掃帚五枚糞筐五枚朱砂一兩二分帚一領狀紙二百張筆墨各一副書刀一口錢五千文油一斤香三兩米二石四斗并先宿備沐浴洗澆之具臣謹為伏地拜章一通特願上官典者垂神省覽為其家分解先亡後死塚訟訴注之氣令復注絕滅逮害潛消人鬼異路生死乖隔謹請天官君將吏兵各司所主共為其家厭制墓氣解散殃咎降其家塚瘞之所。又於鄭都泰山河海丘陵諸請役之處三官三府各隨源檢紮必使洗釋輒按千二百官章儀并正一真人所授南嶽魏夫人治病制鬼之法為其家上請太玄君五人官將各百二十人又請左右都候官將百二十人治大明宮又請祐護將軍吏兵太玄真符攝解塚墓殃注逮之鬼并陰害加符告下其家本音姓角姓塚訟交通所屬勾芒之神微姓塚訟交通所屬祝融之神商姓塚訟交通所屬畢收之神刑姓塚訟交通所屬玄冥之神官姓塚訟交通所屬勾陳之神也及丘承墓伯地下二千石蒼林君武夷君左右塚

侯地中司激墓卿右秩蒿里父老諸是地域所典主者並嚴加斷絕其家塚訟之氣復注之鬼若其家自上係高曾祖父母已來諸塚墓所在有犯十二月建破王耗八將六對傷絕禁忌音向不正喃次不得左前右後伏尸其姓男女位坐並為刑禍虛耗不息妨害子孫者兼為解釋和合補復使生死咸安即請大玄君官將百二十人治無渠宮又請九地君官將百二十人治茂理宮一合下主為其家分解葬埋所犯十二月建破王耗及十二丘墓塚訟之鬼一切須滅又請都星君五人官將百二十人治倉明宮又請太白中陣明星君官將百二十人等一合下並解其家七世已下前昇後化亡人星宿官將復連收十二刑禍遲留逆殺除落死名止殺滅殃又請赤天食氣君官將百二十人主驅斥親疎遠近及有異姓訟逮諸凶惡之鬼又請無上高倉君兵士十萬人主收五墓之鬼傷死往來病祟生人者又請四胡君官將百二十人主消考訟之鬼不正之氣致不安穩者又請收

神上明君官將百二十人主收輜轡不寧惡
夢錯亂魂魄不守者又請天昌君黃衣兵士
十萬人主收某家中百二十殃怪中外強殚
十二月刑殺鬼又請蓋天大將軍十萬人主
為某家辟斥故氣斷絕注鬼却死來生却禍

來禍又請太白君百萬人都官從事考對殺
君各有種數千萬人一合下管護某身并某
家却死籍上生名斷祖世中外亡人死注清
濁之氣破殺尸殃之鬼不得伺候牽引更相
往逮若下官故氣假託形影道從鬼兵脅迫

亡人還逮家門者一依女青詔書律令收治
絕滅所請十五君官將吏兵等願一合來下
各隨本職為某解除亡人考謫療治眾苦痛
惱之疾盡得平安克使訟訴不生殃注絕息
某家諸先亡後死中種族異姓親戚周旋朋
友奴婢僕妾橫暴枉濫流亡客葬無後之鬼
預是前八十一訟之事及百千萬種殃考注
逮等各皆潛寧休息不得復動作為害若猶
欲慈望覘伺間隙構扇禍害者各盡收執逮
令永滅不使更興章御之後賜某家前亡後

死祖世亡人罪蒙原赦魂昇三天塚墓安寧
考訟沉靜福被當今慶流後代子孫隆茂官
學光顯計圖勝展公私利昌疾病除差怪消
夢正存亡獲福以為效信所請天官依都章
言功不負丹誓恩惟

太上分別求哀臣愚謹因二官直使正一功
曹左右官使者陰陽神決吏科車赤符吏剛
風騎置驛馬上章吏官各二人出操臣謹為
某官某已身處官位官職沉滯名位不達或
云累代門戶衰微子孫交替或云官私屯厄
口舌橫生任隨本意拜請
言之在臨時改張拜請

天官分解亡人塚墓考訟殃崇安死利生制
滅禍害乞恩章一通上詣
太上某官曹治伏須告報臣某誠惶誠恐稽
首再拜以
聞

赤松子章曆卷之五

赤松子章曆卷之六

皇六

沐浴章

具法位

上言謹按文書右牒即日稽首仰慮亡人在
生之日多諸罪累設命之後因閉三官困苦

之中未蒙解脫今謹憑

大道之力拯濟幽魂宿業愆尤以今蕩滌謹
膏亡人在生衣物及鎮信錢米香油方綵筆
墨等謹於淨庭立作浴室沐浴之具皆令清
淨免離幽塗臣今謹為伏地拜章上請沐浴

君吏沐浴夫人洗浣玉女千二百人鑒臨亡
人沐浴身形洗垢除穢去離桎梏得觀光明

逍遙快樂衣食自然無諸乏少安穩塚墓祐
利生人以為效信恩惟

太上眾真分別求哀臣某謹為拜上

天官沐浴朱章一通上詣

太上某官曹治云云

解讀章

具法位

上言謹按文書右牒即日稽首仰恐亡人在